



SEL OPSYON POUR SESEL

"Pour nou Tou, Pa zis pour En Bann"



FOREWORD.....	P4
SEMEN PROGRE.....	P5
VIZYON POUR TRANSFORMASYON	P6
BATIR REZILYANS	P7
MET PROGRE AN MARS	P8
EN LEADERSHIP AVEK EN BI PRESI	P9
RELANS PROSPERITE	P10
KOMINOTE AN SEKIRITE	P11
DEBLOK POTANSYEL	P12
LASANTE RE-DEFINI	P13
EN NASYON O SERVIS	P14
LANGAZMAN GLOBAL	P15
NOU PLAN FINANSYEL	P16
BANN PILYE STRATEZIK FONDAMANTAL	P17-P24
ZER BANN LEKSPEKTASYON	P25
KOU-D-APEL FINAL POU AZIR	P26



Frer ek ser Seselwa,
Koman Prezidan United Seychelles e kandida prezidansyel, mon la devan zot pa zis koman en lider politik, me koman en konpatriyot Seselwa ki'n mars dan bann semen vibran nou bann zil, ki'n ekout zot konsern, e ki'n resanti zot laspirasyon. Nou pei i en paradi, pa selman dan lanatir me osi dan lespri. Me ozordi, nou pa la pou selebre nou sikse lepase, me pour asir nou souverennite e garanti en lavenir prosper pour nou tou – enn ki 'pour nou tou, pa zis pour en bann'.

Dan en lemond ki pe sanz vitman, souverennite i nepli zis en keston frontyer—i konsern nou lendepandans ekonomik, nou abilite pour protez nou resours nasyonal, e nou kapasite pou pran desizyon ki reflekte vre volonte pep Seselwa. Sa eleksyon i konsern rebran sa souverennite.

Nou pa devret les desten nou nasyon ganny dikte par zentere etranze oubyen move ladministrasyon anndan pei. Nou bezwen lev ansanm konman enn sel, e avek kouraz, reafirm nou kontrol lo nou lekonomi, nou bann lenstitisyon, ek nou lidantite.

Nou lideal nasyonal pou anrasinen dan nou Kiltir Kreol Seselwa, avek RESPE ek PARTAZ koman bann prensip ki inifye nou.

Sa manifesto ki nou pe propoze pou adres bann problem pli irzan ki Seselwa ordiner pe fer fas avek, tel ki pri lavi ki pe kontinyen ogmante, dekadans dan standar lekol ek servis lasante, koripsyon, ensekirite, labi drog, lerozyon nou kiltir ek valer familyal, e pou donn lespwar nou bann zanfand ek lazenes, parmi bokou lezot.

Nou manifesto i en lapel pour aksyon—pour enklizivite, pour en sistenm ki mars pour tou dimoun, e pour en gouvrenman par lepep e pour lepep. Mon langazman anver zot i total e san fay. Mon promet en leadership ki enkliziv, responsab, e ki baze lo dyalog. Desizyon pou nepli ganny pran deryer rido; anba United Seychelles, se zot lavwa ki pou form nou lavenir.

Anou leve e rebran nou souverennite ek nou lafyerte nasyonal. Anou dirize avek kouraz ek konviksyon. Annou prouve ki Sesel i pour tou sa ki konsider li son pei.

Vote pour nou souverennite. Vote pour lazistis sosyal.

Vote pour linite. Vot US.

United Seychelles: Sel Opsyon Pour Sesel.


Dr. Patrick Herminie



SEMEN PROGRE

Sesel i ariv kot en krwaze semen desizif — en moman ki demann vizyon, kouraz, ek linite. Sa semen ki nou swazir ozordi pou determin desten nou pep e leritaz ki nou pou kit pour bann zenerasyon fitir. Semen Progre pa zis en slogan politik; i nou langazman nasyonal pour azir avek determinasyon, mazin gran, e gouvènen avek sazes. Ansanm, nou pou tras en plan pour kwasans ekonomik, lazistis sosyal, e proteksyon nou lanvironnman.

Semen Progre i anrasinen dan en sel krwayans pwi-san: ki se bann Seselwa ki devret vin arsitek nou prop pei, Sesel. Nou pa kapab kontinyen aksepte en sistenm kot loportinite i ganny akapare par en pti group, pandan ki la mazorite i lite pour fer de bout zwenn. Nou bezwen redonn valè dignite dan travay, lenportans servis, ek lafors linite.

Nou progre i konmans avek sa krwayans — dan nou pep, dan nou bann valè, e dan nou drwa pour batir nou prop lavenir.



VIZYON POUR TRANSFORMASYON

Transformasyon pa vadir zis fer pti sanzman lo sirfas. I en kestasyon repans tou nou sistenm konpletman — la fason ki nou edike, gouvènen, envestir, e pran swen avek nou pep. I vadir abandonn sa ki nepli marse pour nou, e avek kouraz, batir sa ki nou vreman bezwen.

Sesel pa mank ni talan, ni lespri. Sa ki manke, se en leadership ki annan sa volonte pou kas sa serk promes dan vid ek bann reform ki zis kosmetik. Nou vizyon i kler: en nasyon ki travay pour tou dimoun, pa zis pour en pti group privelezye.

Nou pa zis vize pour sanzman — nou angaze pour en vre transformasyon.

Sa, se nou Vizyon pour Transformasyon — en Sesel kot bann sistenm i la pour deservi lepep, pa le kontrè. En pei kot lazistis i egziste pour vre, kot i Annan egalite loportinite pour tou dimoun, e kot leadership i enn ki ou kapab fer konfyans.



BATIR REZILYANS: LEV ANSANM, PLI FOR KI AVAN

Dan sak zenerasyon, en nasyon i bezwen trouv son lafors—pa dan labsans difikilte, me dan lafason ki i reazir anver sa bann difikilte. Ozordi, Sesel pe fer fas avek en tel moman. Nou’n fer fas avek bann sok ekonomik, menas klimatik, inegalite ki pe kontinyen grandi, ek dega dan nou relasyon sosyal. Pourtan, dan leker sak Seselwa, i bat en lavolonte enkasab pou fer fas, adapte, e progresse.

Rezilyans pa zis en polisi. I en leta lespri e en preparasyon permanan. I abilite nou lekonmi pour reziste kont bann sok, sirtou bann eksteryer; lafors nou bann operater ekonomik parey nou bann ferme ki persevere malgre move letan; tenasite nou lazenes ki pe rod

loportinite dan en lepok enserten; kouraz nou pep pour siport bann defi sosyal parey sa lafors trankil bann paran ki pe zongle ant travay ek fanmiy; e sazes nou bann ansyen ki’n deza vwar tou sord tanpet— otan nati-rel konman politik.

Aprezan, koman en nasyon, nou devret fer sa lespri rezilyans vin en parti integral nou fason fer. Nou bezwen batir bann sistenm ki pa zis reazir anver kriz, me ki antispizot. Nou bezwen batir en lekonmi ki solid e dirab, en gouvrenans ki proaktif, bann kominote ki otononm, bann sistenm sosyal ki ankouraz en popilasyon an bonn sante e dinamik, e en lenfrastriktir ki’n ganny konstrir pour dire.



MET PROGRE ANMARS

Progre pa zis en plan. I lekzekisyon. I rezilta konkret. I sa volonte pour bouze sorti dan teori pour al dan aksyon, sorti dan deba pour ariv kot bann vre realizasyon. Pour tro lontan, sa ki'n frenn devlopman Sesel se pa en mank lide, me plito en mank volonte politik, swivi, ek kordinasyon.

Met Progre anmars, i vedir alim sa moter sanzman — idantifye bann bezwen irzan, retir bann obstak, e met nou o travay avek laklerte, disiplin, avek en bi presi.

Nou transformasyon i devret ganny resanti — pa zis ganny promet. Nou pou enplimant en seri mezir

ek proze. Nou bann program kourt, mwayen, ek long term pou annan en lenpak imedya e for lo nou nasyon, nou pep, ek nou bann kominote.

Se koumsa ki progre i konmanse — pa avek diskour, me avek rezilta. Pa avek promes, me avek proze. Pa en zour dan lavenir — me konmansman lanmenm.

Enn bann premye aksyon en gouvènmant United Seychelles se pou fer en bilan konple lo letat nou nasyon, an paralel ki nou enplimant sa manifesto.



EN LEADERSHIP AVEK EN BI PRESÍ

Kontrerman avek lapros ‘top-down’ ek kontrol tou pti detay ki sa rezim aktyel i annan, en gouvèrnman United Seychelles pou demontre transparans, lentegrite, ek responsabilite.

Leadership pa vèdir zis okip en pos. I vèdir annan vizyon, asim responsabilite, e pli enportan ankò, rann kont lepep. En leadership avek en bi presi, se sa ki Sesel i bezwen la, plis ki zanmen: bann lider ki diriz par legzanp, pa par privez; bann lider ki azir, pa zis fer lanons.

Nou bezwen liber nou lekor avek sa kiltir politik reaktif, sa fason mazin zis pour demen, ek sa kontrol ki sorti zis anler. Nou bezwen adopte en model leadership ki stratezik, transparan, e ki profòndeman anrasinen dan servis, pour nou nasyon.

Nou pou donn sa koalasyon bann lorganizasyon lentegrite (setadir, Ombudsman, The Constitutional Appointments Authority, Seychelles Human Rights Commission, parmi lezot), sa liberte pour fonk-

syonn an akor avek zot manda ek lalwa ki gid zot. Pep Seselwa pe observe. Zot nepli aksepte bann dirizan ki servi zot prop zentere oubyen sa pti group otour zot. Zot pe demann lonnekte, limilite, ek rezilta.

En leadership avek en bi i pa zis reakte — i vizyoner. I vwar odela kriz ozordi e i prepar pour loportinite demen. Se pour sa rezon ki nou pou investi dan bann stratezi a long term.

E nou pa pou diriz tousel. Nou krwar dan en leadership kolektif—kot lasosyete sivil, sektor prive, lazenes, ek la baz dan kominote, zot tou zot form parti sa progre.

Nou gouvèrnman pou touzour fer letan pour nou pep ek tou bann parti konsernen.



RELANS PROSPERITE: REDONN DIGNITE ATRAVER LOPORTINITE

Prosperite i plis ki zis kwasans ekonomik — i sa dignite ki ou annan ler ou annan ase, sa lafyerte ki ou gannyen dan en travay ki annan sans, ek sa lespwar ki demen pou pli meyer ki ozordi. Dan sa bann dernnyen lannen, sa santiman dignite in konmans fannen pour tro bokou Seselwa. Pri lavi ki pa aret ogmante, loportinite ki pa ganny donnen egalman, ek nou depandans lo bann sistenm deor in fer ki bann fanmiy pe viv dan la penn, bann biznes i dekouraze, e bann zenn pa sir ki lavenir i rezerve pour zot.

Nou model ekonomik aktyel, ki depann tro bokou lo en sel sekter tourizm e lo etranze, i rann nou vilnerab. Nou bezwen diversifye nou lekonomi e anrasin li pli profon dan nou prop later.

Prosperite i devret ganny dirize par lepep. Nou pa kapab kontinyen enport travayer etranze alor ki nou prop sitwayen pe reste obor semen, san travay. Nou pa rev en Sesel kot en pti group i viv dan la-bondans alor ki la mazorite pe bataye pour sirviv. Nou rev en Sesel kot sak sitwayen i annan sans pour li progresse, kontribye, e partaz dan sikse ek prosperite sa nasyon.

Ansanm, anou batir en Sesel pour tou dimoun. Anou rebran nou prosperite avek lafyerte, en bi presi, e dan linite.



KOMINOTE AN SEKIRITE: REMET KONFYANS, PROTEZ NOU PEP

Lafors en nasyon pa depann zis lo son lekonomi loubyen son lenfrastriktir—me osi, sirtou lo sekirite ek lape dan son bann kominote. Ler dimoun i santi zot pa an sekirite dan zot prop vilaz, ler nou nepli annan konfyans dan lapolis, ler koripsyon ek dezord i kontinyen san ki personn i fer nanryen, se la ki lasosyete i konmans flettri. E kot i annan lafreyer, lespwar i disparet.

Nou bezwen reetabli sekirite—pa zis par enpoz lalwa, me par reganny sa konfyans nou sitwayen dan bann lenstitisyon ki la pour deservi zot. Sesel i merit bann kominote kot zanfann i zwe partou san per, kot nou bann granmoun i mars trankilman, e kot sak sitwayen i konnen ki son drwa, son lakaz, ek son dignite i proteze.

I'n ariv ler pour reklanm sa lape. Pa atraver lafreyer ek lentimidasyon—me atraver lazistis. Pa atraver lafors, me atraver kolaborasyon.

Nou pa krwar dan en lape ki bati lo silans oubyen soumisyon.

Nou krwar dan en lape ki bati lo konfyans, lazistis, laverite, ek linite.

Bann kominote an sekirite pa zis bann landrwa kot napa krim—zot bann kominote ranpli avek konfyans, kot tou dimoun i santi zot ganny enkli, e ki rezilyan.



DEBLOK POTANSYEL: DONN LAFORS SA LESPRI SESELWA

Annan sak Seselwa, i annan en letensel—en letensel kreasyon, lentelizans, rezilyans, ek pasyon. Me pourtan, pour tro lontan, tro bokou nou dimoun in ganny mete dan en pozisyon ki fer zot santi zot koman bann senp pasaze dan zot prop pei, zot war loportinite pas devan zot san ki zot kapab fer nanryen. I’n ariv ler pour ouver sa ki’n touzour la: sa gran potansyel nou pep.

Pour deblok potansyel, fodre krwar—pa zis dan program ek polisi, me dan lepep.

I vedir get dan lizye en zenn ki annan en rev e dir li: **Ou enportan. Ou plas i la. Ou kapab reisi.**

Tro souvan, loportinite pour avanse dan travay i ganny refize pour bann zenn Seselwa an faver travayer etranze. Nou bezwen donn bann anplwayer lankourazman pou anploy e donn promosyon bann travayer seselwa ki merite.

Nou pou kree en Sesel kot talan i ganny rekonnet, nourri, e selebre—ki swa sa talan i sorti dan en lak-

las dan vilaz, dan en studyo anvil, oubyen dan panse en dimoun ki annan en vizyon kler e for.

Akoz ler dimoun i santi zot ganny valorize, zot leve zot menm. Ler laport i ouver, lide i sirkile. E ler en nasyon i krwar dan son prop pep, napa limit lo sa ki i kapab akonpli.

Nou gouvènmman pou met anplas lenfrastruktir ek sipor teknik pour bann pti biznes ki fek komanse oubyen bann ki ankor dan faz devlopman ‘incubators’ pou permet nou lazenes transform zot konnesans dan bann sikse konkret.

Anou batir en Sesel kot sak sitwayen pa zis ganny siporte—me I ganny ankouraze.

Kot nou pa zis spektater—me nou menm ki arsitek potansyel.

Ansanm, nou pou liber lam nou nasyon—e get li anvole byen o.



LASANTE RE-DEFINI: EN NASYON KI GERI ANSANM, I PROGRESE ANSANM

Lasante i plis ki zis lopital. I plis ki latizann. Lasante se dignite. I lape lespri. I sa lazwa vwar nou zanfandanti an bonn sante, nou bann ansyen ganny byen okipe, e nou bann kominote epa-nouir—dan lekor, lespri, ek nanm.

Pourtant ozordi, tro bokou Seselwa i santi zot in ganny abandonnen par en sistenm ki enn fwa ti en model swen lasant kot tou dimoun pe enport son si-tiyasyon finasyel ti ganny menm tretman ek swen.

En sistenm ki'n ganny afebli. En sistenm ki pe dousman dousman glis ver en divizyon ant sa ki annan mwayen pour pey tretman prive, ek sa ki napa swa apard espere e espere. Nou, nou dir: Sa pa kapab kontinyen.

En gouvènmant United Seychelles pou anmenn sa leadership ki nesesser pour fer sa sanzman arive. Re-defini lasante pa vadir zis tret maladi—i vadir

kree byennet. I vadir sorti dan reaksyon pou al dan prevansyon, sorti dan silans pou al ver sipor, sorti dan leta zis sirviv pou viv byen.

Nou pa zis anvi aranz en sistenm—nou anvi redonn li lavi e re-imazin li.

Nou pou demann en lodit profesyonnel dan sistenm lasante avek bi pou propoz bann rekòmandasyon pour transform nou servis pour fer li vin pli modern e efikas.

Nou anvi en Sesel kot en manman pa trakase si i pou kapab aste latizann, kot en dimoun aze i santi ki i ganny respekt e pran an kont, kot en zenn ki pe soufer avek depresyon pa bezwen fer li tousel dan son kwen.

Sa, se lasante, re-defini. Enn ki met lanfaz lo prevansyon, ki enkli tou dimoun, ki modern e ki fondeman imen.



EN NASYON O SERVIS: EN *LEADERSHIP* KI EKOUTE, EN GOUVERNANS KI REDONNEN

Servis, ki sa i vedir vreman?

I pa en kestyon tit, pozisyon, oubyen platform. I en kestyon prezans. Sa vedir ekoute avan dirize. Sa vedir elev lezot, pa nou menm. E avan tou, i vedir met byenet lepep o sant sak aksyon, sak lalwa, ek sak desizyon.

Pour tro lontan, tro bokou dimoun in santi zot abandonnen par en sistenm ki koz lo zot non, me ki pa fer tande zot lavwa. Bann desizyon ki'n ganny pran deryer rido in sanz lavi dimoun dan gran kler—souvan san konpasyon, san konsiltasyon, san ki personn i bezwen rann kont.

Me sa letan i fini ozordi menm.

Sa filozofi servis pa konsern zis bann pli o nivo dan leadership, me i bezwen propaze dan sekter piblik an antye. Tou nivo dan servis piblik i bezwen ganny en nouvo lafors e adopte sa nouvo lapros.

Nou la pou komans en nouvo sapit—enn kot nasyon ki servi lepep, e pa le kontrè.

Nou pa pou zis asiz anler e donn lord me nou pou mentenir sa koneksyon e nou pour la parmi lepep.



LANGAZMAN GLOBAL: EN PTI NASYON AVEK EN LAVWA FOR

Sesel i kapab pti an term later, me nou vizyon i gran. Nou pa zis en leta zil—nou en pon ant bann kontinan, en gardyen losean, e en lekzanp vivan ki montre ki lavwa menm sa bann pli pti i kapab rezonnen for lo lasenn enternasyonal.

Dan sa lepok kot nou tou nou konekte, napa okenn nasyon ki kapab progrese dan son prop kwen. Nou lavenir i depann lo lafason ki nou angaz nou avek lemond—avek kouraz, sazes, ek stratezi. Pa koman mandyan, me koman partner. Pa koman en senp spektater, me koman bann akter ki annan en bi dan progre mondyal.

Langazman global i vedir afirm nou prezans—avek laklerte, lafors, ek sa konfyans ki Sesel i annan bokou pou ofer e bokou pou gannnen.

Nou diplomasi pa devret zis senbolik—i devret stratejik, byen sible, entelizan, e parfetman alinyen avek nou zentere nasyonal.

Nou anvizaz en Sesel ki pa zis reakte anver bann levennman mondyal, me ki osi kontribye pou form zot. Akoz langazman global pa vedir perdi nou li-dantite—i vedir elarzi sa ki nou kapab vini.



NOU PLAN FINANSYEL

Vre rises en nasyon pa ganny mezire zis par larzan—me plito par son kapasite pour batir, proteze, e amelyor lavi son pep.

Ozordi, Sesel i dan en krwaze semen ekonomik krisyal. Nou ankore anba fardo det eksteryer, nou vilnerab anver bann sok mondyal, e nou depann tro bokou lo marse etranze. Me, dan sa menm defi, i ekziste nou pli gran loportinite: pour re-ekrir listwar finansyel nou nasyon—pa zis pou re-kipere, me pou re-envant nou lekor.

Nou Plan Finansyel pa en kestyon sif abstre. I en kestyon donn vre pouvwar lepep, batir rezilyans a long term, e asire ki sak rounpi i ganny depanse o servis pep Seselwa.

O sant sa transformasyon i annan en stratezi lenvestisman ki odasye e vizyonner – en lapros a de vole ki konpri lenvestisman prive ek piblik. Lo kote sektè prive, gouvènmman pou akseler reform dan lenvestisman pou fer li pli fasil posib pou fer biznes Sesel. O sant sa stratezi lenvestisman lo kote sektè piblik, i annan en nouvo lenstitisyon—**Seychelles Sovereign Investment Fund (SSIF)**.

Sa Plan Finansyel ek sa Seychelles Sovereign Investment Fund (SSIF) pa pou zis stabiliz nou lekonomi—zot pou transform li. Avek kouraz, konpetans, ek konpasyon, nou pou batir en sistenm ki aktyelman travay pour lepep pour vre, pa zis lo papyè.

Anou investi dan Sesel—e dan nou prop lekor.

FINANS EK REZILYANS EKONOMIK

Vizyon: Batir en lekonmi ki for, rezilyan, enklizif, e dirab, ki baze lo stabilite makro-ekonomik ek en det soutenab, ansanm avek en sistenm finansyel modern e efikas ki donn tou Seselwa sa kapasite pou progresse. En bon krwasans ekonomik i devret anmenn kreasyon larises kin son distribisyon i fer dan en fason zis e transparan. Nou sektè finansyel i devret adopte bann sipor nimerik ek bann pratik modern pou pli byen sipor krwasans ekonomik atraver pli gran akse avek finansman pli abordab pour bann biznes ek piblik an zeneral.

Bann Linisyativ Kle: Met anplas bann polisi makro-ekonomik ki solid e pridan, e entrodwir bann polisi, mezir, ek incentives ki ankouraz lenvestisman, pou sipor ankor plis bann akter ekonomik ki deza la e pou ankouraz diversifikasyon ekonomik, enkli en sistenm taks ki pli zis e senp. Ogmant sipor pour sektè prive par akseler reform dan lekosistenm lenvestisman e rann li pli fasil pou fer biznes; sa i enkli revwar serten kad enstitisyonnel, rasyonaliz e senplifye bann prosedir gouvènmàn; travay avek bann lenstitisyon finansyel pou redwir kou pret larzan, e kot i posib, entrodwir bann nouvo program pre pour sipor bann sektè ekonomik kle. Ogmant lenvestisman piblik

GOVERNANS ENTELIZAN EK LADMINISTRASYON PIBLIK


Vizyon: Kree en gouvènmàn entelizan ki efikas, responsab, e ki servi teknolozi ek linovasyon pour pli byen deservi sitwayen, sipor devlopman nasyonal, e ranforsi konfyans ek transparans dan bann lenstitisyon piblik. Lentegrasyon lentelizans artifisyel (AI) pou vin labaz en gouvènmàn pli entelizan, pour delivre servis prediktif, ek en sirveyans etik.

Bann Linisyativ Kle: Met anplas en gouvènmàn entelizan ki servi bann zouti nimerik, enkli bann zouti gouvènmàn ki servi lentelizans artifisyel, pou pran desizyon baze data, pou delivre servis piblik prediktif, e pou amelyor livrezon servis, transparans, ek langazman sitwayen; amelyor remarkableman fasilite pou fer biznes par redwir bann pti formalite birokratik, servi AI pou ogmant lefikasite dan tou bann lenstitisyon piblik, e revwar lekosistenm otour nou stratezi lenvestisman; entrodwir reform dan sektè piblik atraver en nouvo Komisyon Servis Piblik ek en Kolez Ladministrasyon Piblik pou amelyor konpetans ek ladministrasyon piblik, e enkilke en kiltir lekselans, etik, ek performans; sa i enkli met anplas en Sant Nasyonal Lekselans pour AI pour



atraver en Seychelles Sovereign Investment Fund (SSIF) pou ranforsi partenarya piblik-prive (PPP). Entrodwir bann mezir pour redwir pri lavi e ogmant prosperite pour tou dimoun. Sipor bann program pou ofer Seselwa bann meyer opsyon formasyon ek devlopman konpetans pou ankouraz lantreprenarya parmi bann zenn e pou sezi bann loportinite lanplwa de kalite; met anplas en Konsey Konsiltatif Ekonomik ki dirize par Prezidan e ki baze lo en reprezantasyon larz ek divers lekspertiz pour asire ki bann desizyon stratezik i ganny pran e ki gouvènmàn i bon.

Rezilta: En lekonmi rezilyan ki donn sak Seselwa pouvwar pou reisi e ki sovgrad rises nasyonal pour bann zenerasyon ki pe vini.



batir lekspertiz lokal e donn formasyon bann fonksyonè; desantraliz servis gouvènmàn par apros gouvènmàn pli pre avek lepep e donn pouvwar bann kominote lokal pou zot menm zer bann servis ki afekte zot direkman. Sa i kapab ganny siporte par bann platform ki servi AI pou fasilite langazman sitwayen e pou ganny zot lopinyon an tan reel.

Rezilta: En ladministrasyon piblik ki transparan, ki reazir vit, e ki baze lo teknolozi nimerik. Sak Seselwa pou ganny bann servis gouvènmàn ki pli rapid, pli sir, e ki adapte pour zot. Sa transformasyon pou sanz servis piblik sorti dan en sistenm birokratik pou vin en servis ki annan dingite, en bi presi, ek valer.

LEDIKASYON POUR BATIR NOU NASYON

Vizyon: Transform ledikasyon pou fer li labaz lansman pour progre personnel ek nasyonal, par entegre lentelizans artifisyel dan lansennyman, laprantisaz, ek devlopman konpetans pour lavi. AI pou donn sak etidyan kapasite pou epanouir dan en lekonomi nimerize, ankouraz kreativite, e prepar Seselwa pour en lavenir ki pou ganny fwasonnen par linovasyon.

Bann Linisyativ Kle: Moderniz Program Letid nasyonal par entegre alfabetizasyon lentelizans artifisyel, ‘coding’, ek etik nimerik, ansanm avek ledikasyon bann konpetans pratik pour lavi ek promosyon laprantisaz enklizif e sivik; entegre lasyans, teknolozi, letid enzenyer, ek matematik (STEM) dan tou nivo ledikasyon pou ankouraz preparasyon pour linovasyon, e sa i enkli servi bann platform laprantisaz ki mars lo AI pou personaliz ledikasyon e siport ansennyan avek planifikasyon leson ek bann metod lansennyman adapte; elev standar bann lenstitisyon ledikasyon piblik par ofer rekonpans ek rekonesans pour ekselans; anplis, met anplas en Sant Linovasyon AI ek nimerik kot Liniversite Sesel pou devlop resers, antreprenarya, ek kolaborasyon avek lendistri; met anplas Seychelles Technical and Vocational Centre (STVC), ofer formasyon profesyonnel ek teknik ki servi

LASANTE EK BYENNET

Vizyon: Batir en sistenm lasante ki pran konpasyon, ki enklizif, e ki pare pour lavenir. En sistenm ki met lepep an premye, ki garanti akse pour tou dimoun, ki prioritez prevansyon, e mentenir byenet sak Seselwa. Sa pou arive an servan lentelizans artifisyel (AI) pou siport en servis lasante pli entelizan, ki detekte problemn boner e idantifye maladi pli rapidman, ek ki ofer swen pli personalize.

Bann Linisyativ Kle: Ranvers sa deklen dan servis lasante par entegre bann zouti ki mars lo AI pour sirveyans, dyagnoz pasyan, e ede fer bann desizyon. Re-mazin sistenm lasante pour reponn a bann bezwen lasante ki pe kontinyelman sanze, atraver bann analiz prediktif ki baze lo AI; amelyor servis swen lasante primer e spesyalize pour deteksyon boner, prevansyon, ek tretman; anmenn fasilite dyagnoz pli pre avek lepep, par servi bann zouti asiste par AI pou detekte maladi pli vit; amelyor swen bannmanman ek nou bann dimoun aze, personaliz bann plan tretman e asir lentervansyon boner; ranforsi servis lasante mantal avek bann sistenm lentervansyon e sipor terapi ‘vertyel’; form, anploy, e retenir (atraver bann plan rekonpans) en lekip profesyonnel lasante ki tre kalifye e motive; sa i enkli en-



AI, e ranforsi sipor edikasyonnel pour bann zanfan ki annan en devlopman laservel diferan (neurodivergent); donn gran sipor ek resours bann ansennyan, ki enkli revwar e entrodwir bann plan rekonpans pli zis pou atir bann dimoun ki tre performan e retenir bann ansennyan kalifye; bann sistenm oriyantasyon karyer ek ‘mentorship’ ki ganny asiste par AI i kapab osi ganny entrodwir pour ed etidyan alinny zot laprantisaz avek bezwen marse lanplwa; etabli ‘Supported Accommodation’ pour bann zanfan talante sorti dan bann sityasyon sosyal dezavantaze; re-entrodwir ledikasyon tersyer gratwit.

Rezilta: En zenerasyon Seselwa avek bokou kapasite, ki lo ladrwatir, e ki kalifye, pare pou dirize. AI pou kree en zenerasyon ki kapab adapte, inovatif, e rezilyan, pare pour anmenn Sesel ver en lavenir nimerik, e ki konekte avek lemonn.



vesti dan formasyon spesyalize pour zot, avek latansyon partikilye lo konpetans AI, e siport zot avek bann incentives pour zot kontinnyen aprann e devlope; amelyor kalite servis ek leksperyans bann pasyan par enplimant bann sistenm zestyon lopital ki servi AI pou zer dosye pasyan e diminye letan espere.

Rezilta: En Sesel avek en meyer sistenm lasante, kot i annan plis konpasyon, e ki servi pouvwatir teknolozi modern pou ed tou dimoun progrese. AI pou transform swen lasante pou fer li vin en sistenm proaktif, preventiv, e ki santre lo pasyan, an asiran dignite, kalite, ek aksesibilite pour tou dimoun.

DEVLOPMAN SOSYAL EK FANMIY

Vizyon: Ranforsi bann fanmiy, donn pouvwar bann kominote, e asir lekite sosyal.

Bann Linisyativ Kle: Ogmant sipor (enkli lasistans ki lalwa i prevwar) pour bann group vilnerab, donn pouvwar fanm e ankouraz ekite ant zonn ek fanm, envesti dan lazenezes, e reform sistenn lasistans sosyal ('welfare'); desantraliz servis ek sipor pour bann kominote lo nivo lokal; redwir laz retret pour sekirite sosyal ek pansyon pour retourn 63 an; entrodwir en mekanizm 'triple lock' 'ki pou garanti en logmantasyon anyel dan sekirite sosyal ki pou swa;

(1) egal avek to lenflasyon

(2) poursantaz logmantasyon dan saler mwayen, oubyen

(3) 3.5% son nivo aktyel

Sa enn ki pli o i ganny swazir, avek lobzektif pour ogmant sekirite sosyal regilyerman pou ki i ariv 10 mil Roupie par mwan dan lespas 4 an; Gouvernman pou konsilte avek Konsey Ladministrasyon Fon Pansyon pou revwar si nivo pansyon i sifizan; mentenir sa fleksibilite pou swazir pour kontinyen travay san perdi bann benefis ki'n akimile; entrodwir bann mezir ki favoriz lavi fanmiy; adopte bann polisi ekonomik enklizif par entrodwir en 'living wage'



(en saler minimonm ki en fanmiy i bezwen pour viv), ki siporte par bann alokasyon bidzeter sible, pou ed bann travayer e redwir linegalite; pour bann fanmiy kot zot reveni kolektif i pli ba ki sa nivo referans, Gouvernman pou donn zot en led sible atraver lazans 'welfare'; sa pou ganny akonpannyen par bann bann prosedir pli rezonab e senplifye pour fasilite lasistans sosyal; revwar polisi lo popilasyon avek lentansyon rekomann bann mezir pou adres to nesans ki ba.

Rezilta: En sosyete inifye, ki annan konpasyon, ki batir lo dignite, loportinite, ek rezilyans kominoter.

ZAFER ETRANZER EK LANGAZMAN GLOBAL

Vizyon: Pozisyonn Sesel koman en lavwa dinamik, ki annan vizyon pour lavenir, e ki ganny respekte dan bann zafer global ek rezyonal.

Bann Linisyativ Kle: Diplomasi stratezik ek langazman multilateral; angaz nou proaktivman dan bann lorganizasyon rezyonal ek enternasyonal, tel parey Linyon Afriken, Nasyon Zini, ek Komisyon Losean Endyen, pou defann lentere bann Pti Leta Zil an Devlopman (SIDS); ranforsi bann lalyans avek bann partner stratezik partou dan Lafrik, Lazi, ek Loksidan pou etabli en prezans diplomatik pli balanse e miltipoler; mentenir en polisi non-alinyman; ranforsi bann partenarya komersyal, ekonomik, ek anvirommantal; e kolabor avek bann partner global ek rezyonal pou asire ki zentere bann SIDS i ganny byen reprezante; fasilite retour bann Seselwa ki form parti nou dyaspora.

Rezilta: En Sesel konekte e odasye ki ganny respekte pa zis pour son grander me pour lafors son konviksyon, laklerte son lavwa, ek lentegrite son leadership. En nasyon



ki pa selman reazir anver bann tandans mondyal me ki kontribye pour fwasonn zot; an servan son pozisyon inik pou promouvwar lape, bon zestyon lanviromman, ek rezilyans ekonomik dan en lemond enterkonekte.

BANN PILYE STRATEZIK FONDAMANTAL

ZAFER ENTERN EK LETA DE DRWA

Vizyon: Asir sekirite, lazistis, ek en servis piblik efikas pour tou sitwayen.

Bann Linisyativ Kle: Moderniz e ranforsi nou kad legal pour garanti en lazistis rapid ek akse a reprezantasyon legal pour tou dimoun; entrodwir bann lakour kot bann pti lofans ek ka sivil i ganny zize pli vitman ('fast-track'), an menm tan ki nou ranforsi proteksyon pour bann group vilnerab - fanm, zanfan, ek bann kominote marzinalize; garanti loto-nomi pouvwat zidisyer atraver bann reform striktirel, bann nominasyon endepandan, avek lasirans ki manda en dimoun pa pour ganny terminen an rezilta en aksyon ou desizyon profesyonnel e zis ki in pran; asire ki bann lakour i deservi Konstitisyon ek lepep, non pa politisyen oubyen privez; dedye sifizaman resours pour lakour komersyal; re-oriyant lafors lapolis ver en model modern ki santre lo kominote, ki anrasinen dan drwa imen, formasyon pour abes tansyon, reanmenn konfyans piblik; ekip bann ki ranforsi lalwa avek



bann zouti e konnesans pour sipor e protez popilasyon olye ki entimid dimoun; transform sistenm prizon pour ki i santre lo vre reabilitasyon plito ki pinisyon, envesti dan ledikasyon ek formasyon vokasyonnel, sipor lasante mantal, ek bann program re-entegrasyon; kre bann alternativ rezonab dan plas anprizonman pour bann ki komet bann lofans non-vyolan, pou kas sa serk visye krim e ed zot rekonstrir zot lavi; aplik en politik zero tolerans pour koripsyon.

Rezilta: En Sesel an sekirite, zis, e byen gouvernen kot leta de drwa ki rennyen.

LAGRIKILTIR EK LAFORE

Vizyon: Atenn kot sekirite alimanter nasyonal a long term ek rezilyans klimatik atraver linovasyon ek dirabilite.

Bann Linisyativ Kle: Ogmant prodiksyon agrikol lokal atraver en konbinezon mezir ki enkli etabli en fasilite kredi pour lagrikiltir, en plan lasirans, ek en Sant Inovasyon Nasyonal Pour Teknolozi Lagrikiltir; entrodwir ranboursman taks lo petrol, zero taks lo bann matyer premyer e lekipman prodiksyon ('inputs') e revwar polisi lo profi; re-entrodwir sa 'levy' lagrikiltir pour benefis bann fermye; devlop bann metod zestyon dirab lafore ek biodiversite; met anplas en Konsey Nasyonal pour Devlopman Agrikol pou enplik kominote fermye dan gouvernans ek bann desizyon; batir bann sistenm alimanter ki rezilyan anver sanzman klima.



Rezilta: En nasyon koy i annan sekirite alimanter, kot manze ki ganny prodwi lokalman i de o kalite e a en pri rezonab - ki dirize par kominote e ki annan en bon zestyon lanvironnman.

LAPES

Vizyon: Batir en sekter laps ki dirab e ki ekolojik, avek plis benefis ekonomik pour pei, ki enkli plis loportinite lanplwa ek posibilite fer biznes pour bann Seselwa.

Bann Linisyativ Kle: Senplifye proses enport lekipman ek materyo laps komersyal; mentenir petrol san taks pour lendistri lokal e senplifye proses pour laps artizanal ek semi-endistriyel pou rann li pli efikas, transparan, e zis; elabor en plan devlopman nasyonal dirab pour laps pour en peryod 10 an, ki pou ganny revize e met a zour peryodikman; donn priyorite alokasyon quota pour bann antre- ➤



BANN PILYE STRATEZIK FONDAMANTAL

prener ek biznes Seselwa; eksplor loportinite dan lapas endistriyel pour bann Seselwa; entrodwir en pli gran varyete program formasyon ki adapte avek bezwen lendistri kot Seychelles Maritime Academy; eksplor bann nouvo sours sipor finasyel pour formasyon e ogmant lenvestisman Seselwa dan sektor lapas (sa i enkli en flot lapas endistriyel atraver en Partenarya Piblik-Prive); pli byen antretenir e devlop lenfrastruktir bann por e amelyor zestyon bann por lapas, sirtou bann por kle parey Victoria ek Providence, ensi ki bann por artizanal; konbat lapas ilegal par ranforsi

LANVIRONNMAN, LENERZI EK LEADERSHIP KLIMATIK

Vizyon: Defann en lavenir kot lanatir, lepep, ek progre i koegziste—ki ganny gide par dirabilite, linovasyon, ek en leadership kouraze dan proteksyon lanvironnman.

Nou bann zil pa an vant – zot bann lekosistenm vivan ki devret ganny proteze; menm si touris i tre enportan pour Sesel, devlopman deliks san okenn kontrol in anmenn degradayson lanvironnman e in deplas bann kominote; nou devret refize annan devlopman destriktif e adopte en model ki etabli en balans ant prosperite ek prezervasyon, an asiran ki krwasans pa zanmen ganny fer o detriman lanatir oubyen nou patrimwann.

Bann Linisyativ Kle: Revwar nou stratezi nasyonal pour lenerzi pou met lanfaz lo lenerzi renouvlab pour redwir pri lilitite piblik (elekrisite ek delo) konsiderablema; amelyor rezo elekrisite dan pei pou pli byen entegre bann prodikter lenerzi endepandan; deplway bann zouti nimerik ki labaz teknolozi avanse pou sirveyans lekosistenm, fer respekte bann regilasyon lanvironnman, e swiv lenpakt klimatik an

TOURIZM EK LERITAZ KILTIREL

Vizyon: Batir en lendistri tourizm dirab ki anrasinen dan lidantite Seselwa, kot tou Seselwa i annan sa sans pou benefisye direktman.

Bann Linisyativ Kle: Aktivman met an pratik bann polisi eko-tourizm; prezerv bann sit kiltirel ki deza ekziste e kre bann ki nouvo, maksimiz potansyel reveni ki zot kapab zenere, e siport bann lendistri kreatif; ogmant koneksyon aeryen; donn plis pouvwar bann pti biznes (sa i enkli bann operater endividyel) dan bann aktivite tourizm pou donn en meyer leksperyans bann vizitere pour asire ki en pli gran parti reveni ki touris i anmenn i reste dan pei; investi dan devlopman tourizm lo bann zil elwanye, pa selman pour viziter, me pour Seselwa osi; ranforsi promosyon nou destinasyon atraver retablisman Seychelles Tourism Board (STB), ki pou baze lo zefor kolaboratif avek bann leaders dan lendistri ek bann parti konsernen.

sirveyans ek kontrol, e par ranforsi lezisasyon; promouvwar plis aktivite ki relye avek lapas ek leksportasyon pwason ek bann prodwi a valer azoute, aktivman pou ogmant reveni ki sorti dan leksportasyon a nivo pli o posib; asire ki lavwa sektor lapas lokal i ganny tande dan gouvvernans e bann desizyon.

Rezilta: En lavenir dirab e diversifye disi 2030, kot valer lokal, lanplwa, ek loportinite biznes i ogmante atraver en zestyon pli performan ek bann pratik inovater.



tan reel; servi zimaz ek lenformasyon satelit, AI, ek teknolozi nimerik pou zer resours maren ek teres dan en fason transparan e efikas – ki fer Sesel vin en gardyen lanvironnman ki servi pouvwar teknolozi; ogmant proteksyon maritim e fer lekonomi ble progrese; transform sistenm zestyon salte pour ki i prodwir lenerzi e redwir lakantite salte ki al rann lapel lo landfill pli ba poosib; agrandi sistenm tretman desarz santralize.

Rezilta: En Sesel ki rezilyan fas a sanzman klima, dirab an term lanvionnman, efikas dan son lenerzi, e kot lavi i abordab; en pei ki dirize avek lentegrite ek linovasyon.



Rezilta: En destinasyon admire partou dan lemond, ki siport devlopman bann kominote lokal e ki met an valer nou patrimwann, ki anmenn en sektor touris dirab avek plis benefis direk pour kominote lokal e kot en pli gran proporsyon reveni i reste dan pei.

KILTIR

Vizyon: Pozisyon kiltir Kreol Seselwa koman fondasyon nou lidantite nasyonal ek nou linite, e transform Sesel an en sant kiltirel e kreatif vibran, ki anrasinen dan nou patrim-wann e ki ouver anver lekspresyon mondyal.

Bann Linisyativ Kle: Donn valer kiltir o pli o nivo pou an-menn en revolisyon kiltirel; selebre e siport bann linisyativ ki promouvwar larmoni dan diversite; ofer formasyon dan konpetans biznes, zouti nimerik, ek zestyon artistik; selebre lekselans atraver bann pri nasyonal ek rekonesans; asir lapey ekitab ek drwa propriyete entelektyel pour bann artis ek kreater; transform lendistri sinema ki pe fek pran nesans pour fer li vin enn ki byen etabli, an paralel avek lendistri tourizm; ankouraz lekspresyon kiltirel lo nivo lokal e dan kominote.

LAZENES, SPOR, EK DEVLOPMAN POTANSYEL KREATIF

Vizyon: Enspir e donn lazennes zouti nesaser pou dirize, kree, e inové.

Bann Linisyativ Kle: Ranforsi bann program leadership pour lazennes; entrodwir en politik ek stratezi pour devlopman spor, depi nivo lakres ziska nivo podyonm, an konman-san par detekte talan depi boner e met lanfaz lo kiltir fizik ek spor pour en stil lavi an bonn sante; siport lantreprenarya kreatif parmi bann zenn atraver bann 'start-ups' ek 'incubators' ki byen organize, ofer sipor pour lasante mantal, e promouvwar prezervasyon kiltirel; entegre en sipor total ki santre lo lazennes dan sak pilye nou bann politik nasyonal, pou batir en lavenir kot lenerzi, talan, ek vizyon nou lazennes i vin fondasyon en Sesel pli for, pli ini, e pli prospere.

LAKAZ, LATER, EK LENFRASTRIKTIR

Vizyon: Garanti lakaz a en pri abordab, en lavi diny, ek devlopman dirab pour tou dimoun.

Bann Linisyativ Kle: Entrodwir en konbinezon mezir pour gouvrenman, bann developper prive, ek bann endividi pour ogmant konstriksyon lakaz a en pri abordab; gouvrenman pou fer zefor pour konstir omwen 2,500 lakaz lo Mahé, Praslin, ek La Digue; moderniz lenfrastruktir, promouvwar konstriksyon ekolojik, e enplimant bann polisi later ki ekitab; restrikte lavant later ki'n ganny demarke dan plan devlopman koman selman rezidansyel, pour bann Seselwa inikman, afen ki pri later i bese; amelyor akse pou ganny finansman a en kou abordab; fer later Leta kin idantifye pour



Rezilta: En nasyon ini e fyer kot kiltir i ganny prezerve, kot bann artis i ganny valorize, e kot kreativite i en moter pour devlopman ekonomik ek transformasyon sosyal.



Rezilta: En lasosyete vibran, an bonn sante, e dinamik, ki dirize par en lazennes ki'n ganny bann konpetans nesaser e ki anrisi par nou lafyerte kiltirel.



devlopman rezidansyel par Seselwa pli aksesib e abordab; revwar klasifikasyon later dan pei avek lentansyon ogmant stok later pour devlopman rezidansyel ek ekonomik.

Rezilta: En Sesel modern e ekitab kot sak sitwayen i annan en lakaz e kot son lavwa i ganny tande.

TRANSPOR EK KONEKTIVITE

Vizyon: Batir bann rezo transpor modern, sir, e enklizif—lo later, dan lezer, e lo lanmer—ki ranforsi konektivite, ki en moter pour nou lekonmi, e ki onor nou langazman anver dirabilite.

Bann Linisyativ Kle: Moderniz semen, devlop transpor maritim ek aeroportyer, promouvwar veikil elektrik; gradyelman amelyor kalite ek konfor bann bis SPTC; moderniz lenfrastruktir ek servis kot bann erport lo Mahé ek Praslin, sa i enkli konstruksyon en nouvo semen dilon runway kot erport enternasyonal pour redwir konzasyon trafik lo semen lakot Les; elarzi e fer agrandi runway erport Praslin ann linny avek bann norm enternasyonal; ranforsi bann mezir pou diminye blokaz trafik, sirtou dan bann ler pwent, par kree bann nouvo semen; parmi lezot, sa bann



mezir pou vize pou ankouraz plis dimoun pou servi bis SPTC; e pri tou tiket bis pou bese par 40% pour tou traze; etidye e enplimant lezot sistenm transpor piblik ki efektif; eksplor letablisman en laflot transpor maritim viyab pou amelyor lefikasite dan komers ek kkonektivite (sa i enkli atraver bann Partenarya Piblik-Prive).

Rezilta: En nasyon byen konekte kot mobilite i kre loportinite e ankouraz devlopman.

GOUVERNMAN LOKAL EK DEVLOPMAN KOMINOTER

Vizyon: Desantraliz gouvrenans pou batir bann kominote ki rezilyan e ki desid zot prop desten.

Bann Linisyativ Kle: Donn bann konsey lokal zouti neser pou ofer plis servis e pou ankouraz en pli gran partisipasyon kominoter ek langazman sitwayen; reviv lavi ek lespri kominoter atraver bann aktivite kiltirel, sosyal, ek sportiv; siport lekonmi lokal; delivre bann servis enklizif; e donn kapasite bann ladministrasyon distrik pou ofer servis sipor nimerik zot bann rezidan.



Rezilta: En Sesel ki dirize par son pep, kot gouvrenans i konmans avek kominote.

ANPLWA

Vizyon: Donn sa abilite tou Seselwa pou vin en kreater konfidan pour son prop lavenir, pou transform son pasyon an profeyon, e son lide an reveni.

Bann Linisyativ Kle: Kree pli bokou loportinite pour sa bann ki pe rod en travay pou antre lo marse lanplwa; organiz bann program 'reskill' pou kapab satisfere bann sanzman e devlopman dan lendistri; repozisyon Lazans Nasyonal pour Resours Imen (ANHRD) e re-aliny li avek sa bann bezwen dan marse lanplwa; adres bann defi prensipal dan sa marse lanplwa par rapor avek sa bann ki pe rod en travay; ranforsi bann program laprantisaz, ki baze lo bann partnearya avek lendistri pou fasilite lantre bann ki pe rod en travay dan sa marse travay; re-entrodwir Unemployment Relief Scheme (URS) pou fourni travay apropriye pour tou Seselwa.



Rezilta: Donn sa abilite tou Seselwa pou prospere. Sa bann linisyativ pou kree loportinite pou travay, donn nou lafors mendev bann nouvo konpetans, ranforsi laprantisaz, e re-entrodwir URS pour sa bann ki san travay. Sa pou ankouraz en lavenir konfidan, konpetan e endepandan pour tou.

LENDISTRI, TEKNOLOZI EK TRANSFORMASYON NIMERIK

Vizyon: Transform Sesel pou fer li vin en model mondyal pour linovasyon ek devlopman dirab, kot teknolozi—spesifikman lentelizans artifisyel (AI)—i donn kapasite bann lendistri, kot bann antreprenen i reisi, e kot sak sitwayen i benefisye avek en lekonomi nimerize ki vizyoner e enklizif.

Bann Linisyativ Kle: Revitaliz bann lendistri lokal atraver en konbinezon mezir kreativ, sa i enkli en nouvo plan finansman ek en servis konsey biznes ki'n ganny ranforsi pour bann Mikro Pti ek Mwayen Antrepriz (MSMEs), ki pou enplik lentegrasyon bann solisyon ki baze lo AI dan bann sektor parey lagrikiltir, lapas, tourism, ek 'prodiksyon' pou ogmant lefikasite ek dirabilite; sa plan finansman pou akseler linovasyon teknolozik atraver retablisman ek ranforsisman Lenstiti Nasyonal pour Teknolizi, Lasyans, ek Linovasyon (NISTI), ki pou ganny modernize pou vin sa sant prensipal pour resers AI, 'incubation', ek partenarya global; en Fon Nasyonal pour Linovasyon AI pou osi fourni finansman pour bann 'start-ups' ek antreprenen ki pe devlop bann prodwi ki servi AI; donn kapasite bann antreprenen, enkli zenn ek fanm, atraver formasyon

DEFANS EK SEKIRITE NASYONAL

Vizyon: Mentenir nou souverennite atraver en lafors defans ki profesyonnel, fonde lo etik, e modern.

Bann Linisyativ Kle: Anil sa 10enm Amannman dan Konstitisyon pour retir pouvwat lapolis ki larme i annan e retabli respe pour nou lafors militer ek lafors lapolis; ranforsi sekirite lo lanmer, moderniz nou kapasite, amelyor nou preparasyon an ka dezast, e garanti transparans; azir dan en fason desisiv pou elimin sa fleo drog par sekiriz nou frontrier, kas bann rezon trafik, e anmenn bann dealer drog devan lazistis; ogmant kolaborasyon enternasyonal pou pli byen

EMPOWERMENT BANN FANM E EGALITE ANT FANM E ZONM

Vizyon: Onor e met an valer kontribisyon bann fanm Seselwa koman bann dirizan, travayer, ek gardyen nou lasosyete.

Bann Linisyativ Kle: Empower fanm pou devlopman lasosyete an antye; reform ledikasyon atraver linovasyon ek 'mentorship'; fer re-integrasyon dan letid ek landrwa travay apre konze maternite vin pli fasil; ranforsi pozisyon fanm dan landrwa travay par retir bann lobstak sistemik ki anpes zot lavansman profesyonnel; donn priorite bann polisi ki tret bann problem sosyal ek lezot defi ki bann fanm ek fiy



spesifik, etabli bann peryod defini kot biznes ki pe komanse dan sektor devlopman propriyete ek sektor lantrprenaya nimerik pa bezwen pey okenn tax, sa pou enkli lans bann program akselerater nasyonal baze lo lentelizans artifisyel pou ed bann antreprenen batir bann biznes ki annan potansyel pou grandi; redwir kou telekomunikasyon pour ranforsi konektivite, fasilite krwasans biznes, diminye pri lavi, ki esansyel pou permet en en pli gran akse avek bann zouti ek platform ki servi AI.

Rezilta: En nasyon 'smart' kot teknolozi i moter progres, enn ki kre loportinite pour linovasyon, e kot prosperite i ganny partaze par tou. Sesel pou pozisyon son lekot koman en pionye dan AI ki met dimoun o sant, an kreyan bann lendistri pour lavenir, an menm tan ki i redwir bann depans e amelyor kalite lavi pour sak sitwayen.



kontrol nou Zòn Ekonomik Eksklizif ki vas; servi plis teknolozi modern pour ranforsi nou defans.


Rezilta: En lafors disiplin, dan ki lepep i annan konfyans, e ki protez avek lentegrite ek rezilyans.



i rankontre; asir devlopman ekitab partou dan pei; integre fanm dan gouvènans e danbann desizyon; alez fardo ekonomik e amelyor byenet bann fanm atraver bann reform ekonomik ki byen sible.

Rezilta: En nasyon kot bann fanm odasye i dirize an egalite avek zonm, e transforman lasosyete depi son rasin.

ZER BANN LEK- SPEKTASYON: EN LANGAZMAN ANVER TRANSPARANS EK PROGRE



Anmezir ki nou antreprann sa vwayaz transformasyon, nou rekonnet bann defi ki devan nou. Sanzman pa zanmen fasil, e bann lobzektif anbisye ki'n ganny prezante dan sa manifesto i demann letan, resours, ek en zefor kolektif. Pour asir klarite ek konfyans, nou angaz nou pour:

PLAN LENPLIMANTASYON PAR FAZ

Nou pou donn priorite bann linisyativ baze lo zot lizans ek lenpak, an metan zot an pratik par faz: kourt term, mwayen term, ek long term. Sa lapros i asire ki bann defi imedya, tel parey pri lavi ek bann mankman dan servis lasante, i ganny adrese, an menm tan ki nou poz sa fondasyon pour en progres dirab.

KAD POU SWIVI EK RESPONSABILITE

Transparans i dan leker nou vizyon. Nou pou met anplas bann mekanizm pou swiv progres, ki enkli bann miz-a-zour regilye pour piblik, bann lendikater performans, ek bann odit endepandan. Sa bann mezir pou asire ki nou rann kont e pou permet sak Seselwa vwar rezilta konkret nou zefor.

LANGAZMAN AVEK BANN PARTI KONSERNEN

Nou krwar dan en leadership kolektif. Sitwayen, lasosyete sivil, ek sekter prive pou zwe en rol aktiv dan form e enpliman nou bann polisi. Ansanm, nou pou batir en Sesel ki reflekte lavwa ek laspirasyon son pep.

PLAN D-IRZANS

Nou rekonnet ki bann faktur eksteryer, tel parey sitiya-syon ekonomik mondyal, i kapab afekte nou bann plan. Pour fer fas avek sa, nou pou develop bann mezir d-irzans pou adapte nou avek bann defi ki pa'n ganny antisipe, an asiran rezilyans ek kontinyite dan nou progres.

ALOKASYON RESOURS KI REALIS

Nou vizyon i baze lo realite pratik. Nou pou distribue resours dan en fason stratejik, an servan bann partenarya, sours finansman, e an donnan priorite bann linisyativ pour asire ki zot kapab ganny realize e ki zot annan en vre lenpakt.


SELEBRASYON BANN SIKSE AN ROUT

Transformasyon i en vwayaz, e sak pa an avan i enpor-tan. Nou pou selebre bann premye sikse pou mentenir konfyans piblik ek sa lelan, pour prouve ki progres pa zis en promes me en realite.

KOUNANVWA POUR AKSYON

**“En Nouvo Ler pour Sesel
i komans avek ou.”**

*Sorti kot tou distrik, tou fanmir, e kot tou kalite
dimoun-sa vizyon i pour Lepep.*



Vote pour

Dignite & Lazistis Sosyal

Vote pour

Progre e Linovasyon


Vote pour

Dr. Patrick Herminie

Vote pour

United Seychelles

**VOTE
2025**




#VoteDrPatrickHerminie #VoteUnitedSeychelles #PatrickForPresident2025

Website: www.unitedseychelles.net



UNITED SEYCHELLES

SWIV NOU POU RESTE A ZOUR



Rezo Sosyal
@unitedSeychellesOfficial

Skàn sa "QR code" pou
ganny akse!

